

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-250/25
Vareš, 30.10. 2025. godine

Z A P I S N I K
sa 9. sjednice Općinskog vijeća Vareš,
održane 25.07. 2025. godine

Predsjedavajući OV pozdravio je sve prisutne.

Prisutni vijećnici: Asmir Čizmo, Dario Dodik, Denis Kovačević, Edin Ibrišimović, Igor Hinger, Igor Šimić, Irma Rožajac, Malik Rizvanović, Nazif Hajrić, Nermin Hrvat, Nikola Šimić, Semir Memić, Srđan Franjić, Šaban Ibrišimović, Zdenko Franjić i Zdravko Barkić.

Odsutni: Amela Mešić, Asim Balta i Dževad Mahmutović.

Malik Rizvanović, predsjedavajući Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajući OV otvorio je 9. sjednicu s početkom u 14.00 sati u velikoj sali Općine Vareš.

Pored vijećnika sjednici prisustvuju: Ermin Musa, zamjenik načelnika; Mersad Đido, sekretar OV; Ibrahim Spahić, pomoćnik načelnika; Rusmir Berberović, rukovodilac JURA; Nikolina Erlbek, direktorica JPU „Dječije obdanište“ Vareš; Edita Islamović, predsjednica Upravnog odbora JPU „Dječije obdanište“ Vareš; Aida Imamagić, zamjenica predsjednika Komisije za statutarna pitanja i propise i predstavnici medija.

Mersad Đido, sekretar OV izvijestio je prisutne da je na 8. sjednici OV održanoj 30.06.2025. godine, Vijeće donijelo pet (5) zaključaka, četiri (4) zaključka su u toku realizacije a jedan (1) zaključak je realizovan. Postavljeno je sedam (7) vijećničkih pitanja, na sva pitanja dat je odgovor pisanim putem.

Pomoćnik načelnika Ermin Musa u svojstvu zamjenika općinskog načelnika za današnju sjednicu nije imao obraćanje pod aktuelnom problematikom.

(Izjašnjavanje vijećnika o dobivenom odgovoru)

Vijećnik Dario Dodik („Tražio sam da mi se dostave dugovanja Općine Vareš, koja su preko 3.000,00 KM u formi vijećničkog pitanja. Naknadno sam uputio Zahtjev prema Službi, u skladu sa članom 8. Poslovnika o radu OV, da mi se dostave dugovanja preko 1.000,00 KM, i nisam dobio odgovor. Odgovor sam dobio na vijećničko pitanje, na Zahtjev nisam. Mislim da su dugovanja mnogo veća nego što je navedeno u odgovoru. Molio bih da mi se odgovori na pitanja koja sam naveo u Zahtjevu.“)

adresa: Zvijezda 34, 71330Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba

Vijećnik Zdravko Barkić („Na prethodnoj sjednici dodatno sam tražio da mi se dostavi izvještaj o zaduženjima Općine Vareš. Na pregledu koji smo dobili predstavljen je samo mali segment dugova koje Općina ima. Po meni je ovaj odgovor neozbiljan, nepotpun i neodgovoran. Tražim da mi se za narednu sjednicu ponovo dostavi izvještaj iz kojeg se jasno vidi koje stavke čine deficit budžeta. Ne samo dugovanja prema dobavljačima nego i svi ostali dugovi uključujući i dugovanja za doprinose uposlenih, plaće uposlenih, krediti jer sve je to dug. Zato ponovo tražim od Službe za finansije da dostavi kompletnu strukturu obaveza po kojima smo mi u deficitu, koji je iznosio 3.600.000,00 KM kako je navedeno u Izvještaju 01.01. 2025. godine“.)

(Vijećnička pitanja i Inicijative)

Asmir Čizmo

1. Da li će se nešto uraditi po pitanju izgradnje puta prema selu Zubeta? To je dionica od nekih 200 m. Koliko sam upoznat, za taj put već postoji projektna dokumentacija. Postoji li mogućnost da se taj projekat pošalje prema višim instancama i na taj način dođe do sredstava za izgradnju puta jer je to povratnička mjesna zajednica?

Igor Šimić

2. Moje pitanje se veže za komunalno-građevinskog inspektora. Zamolio bih Službu da mi do naredne sjednice dostavi nadležnosti i opis poslova komunalno-građevinskog inspektora. Dobivam prigovore od strane naših građana na rad komunalno-građevinskog inspektora, da se izjašnjava kao nenadležna u mnogim obraćanjima građana.
3. Pitanje se odnosi na JP ŠPD ZDK d.o.o. Zavidovići. Dobio sam informaciju da je zamjenik Općinskog pravobranioca podnio tužbu Kantonalnom sudu radi dugovanja cca 200.000,00 KM. Zanima me da li ima nekog odgovora od Kantonalnog suda i da li se išta rješavalo po tom pitanju?

Nermin Hrvat

4. Šta se može uraditi po pitanju gradske higijene u MZ Vareš Majdan? Pozivam općinske komunalne službe da zajedno pokušamo uraditi nešto po tom pitanju. Savjet MZ Vareš Majdan će pokušati dopisima upozoriti ljude na nesavjesno ponašanje, a također da se uključi komunalno-građevinski inspektor i eko policija, da iznesu zakonske sankcije za takvo ponašanje građana.

Dario Dodik

5. Zamolio bih zamjenika Općinskog načelnika da nam detaljnije objasni svoju funkciju i nadležnosti. Za koje poslove je ovlašten i da li može samostalno da odlučuje? Kada će biti uplaćen dug lokalnom izvođaču koji je uradio parking prostor u ul. Korovinjici i zašto se on odlaže iako je urađen 2023. godine?
6. Koji je razlog zašto nisu za isti period uplaćeni doprinosi za JU „Centar za kulturu i edukaciju“ Vareš i JPU „Dječije obdanište“ Vareš? (Mislim da se kasni 1 mjesec kada su u pitanju doprinosi za JU „Centar za kulturu i edukaciju“ Vareš dok su sa druge strane JPU „Dječije obdanište“ Vareš zadnji uplaćeni doprinosi bili u oktobru mjesecu 2024. godine).

Nikola Šimić

7. Pitanje se odnosi na sanaciju ulica Benići, Matijevići i dio ulice u Jušićima. Sanacija se trebala uraditi prije 3 godine. Stanje ulica je katastrofalno posebno poslije intervencije Elektroprivrede koja je skinula asfalt i na sve to još im je u tim ulicama isključena rasvjeta. Kada će i da li će se uraditi sanacija ulica i rasvjete jer su ove ulice bile ubačene u program sanacije lokalnih ulica, međutim još uvijek se ništa ne radi po tom pitanju?

Inicijative

Nermin Hrvat

1. Inicijativa za postavljanje ulične rasvjete u ulici Planinarska u Vareš Majdanu. Dio od „Duge“ prema Planinici i do Trifković potoka. (Inicijativa podnesena usmenim putem).

Dario Dodik

2. Inicijativa da se od prvog paušala koji im se uplati, vijećnici kupe po 5 m² trave za fudbalski teren u Vareš Majdanu. (Inicijativa podnesena usmenim putem).

Nikola Šimić

3. Podnosim Inicijativu za realizaciju Odluke o izgradnji, korištenju i održavanju lokalnih cesta da bi mogli reagirati prema svima koji naše ceste prekomjerno koriste. (Inicijativa podnesena usmenim putem).

Predsjedavajući OV stavio je na raspravu Zapisnik sa 8. sjednice OV.

Nije bilo učesnika i predsjedavajući OV stavio je na izjašnjavanje Zapisnik sa 8. sjednice OV i nakon izjašnjavanja vijećnika konstatuje da je **sa 16 glasova „ZA“ usvojen Zapisnik sa 8. sjednice OV.**

Predsjedavajući OV stavio je na raspravu prijedlog dnevnog reda 9. sjednice OV koji je usaglašen na Kolegiju Općinskog vijeća.

Nije bilo učesnika i predsjedavajući OV stavio je na izjašnjavanje prijedlog dnevnog reda **9. sjednice OV** i nakon izjašnjavanja vijećnika konstatuje da je **sa 16 glasova „ZA“ usvojen sljedeći**

Dnevni red

1. Informacija o stanju i problemima u radu JPU „Dječije obdanište“ Vareš.
Izvjestilac: Direktorica ustanove i predsjednica UO.
2. Prijedlog Odluke o usvajanju plana parcelacije za lokalitet Pogar, općina Vareš (k.č.115/1 KO Pogar).
Izvjestilac: Ermin Musa.
3. Prijedlog Odluke o izmjeni Odluke o potvrđivanju rezultata izbora za članove Savjeta mjesne zajednice Borovica.
Izvjestilac: Rusmir Berberović.

4. Prijedlog Odluke o dodjeli općinskog priznanja za 2025. godinu – Povelja o proglašenju počasnim građaninom općine Vareš.
Izvjestilac: Komisija.
5. Prijedlog Programa obilježavanja 16. augusta/kolovoza – Dana općine Vareš.
Izvjestilac: Općinski načelnik.
6. Prijedlog Rješenja o imenovanju Stručne komisije za procjenu prometne vrijednosti nekretnina.
Izvjestilac: Ermin Musa.
7. Izvještaj o provedenim izborima za članove savjeta mjesnih zajednica Mir, Striježevo, Stupni Do, Pogar, Pržići, Očevija, Vijaka, Vareš i Vareš Majdan.
Izvjestilac: Rusmir Berberović.
8. Prijedlog Odluke o potvrđivanju rezultata izbora za članove Savjeta Mjesne zajednice Mir.
Izvjestilac: Rusmir Berberović.
9. Prijedlog Odluke o potvrđivanju rezultata izbora za članove Savjeta mjesne zajednice Očevija.
Izvjestilac: Rusmir Berberović.
10. Prijedlog Odluke o potvrđivanju rezultata izbora za članove Savjeta mjesne zajednice Pržići.
Izvjestilac: Rusmir Berberović.
11. Prijedlog Odluke o potvrđivanju rezultata izbora za članove Savjeta mjesne zajednice Stupni Do.
Izvjestilac: Rusmir Berberović.
12. Prijedlog Odluke o potvrđivanju rezultata izbora za članove Savjeta mjesne zajednice Vijaka.
Izvjestilac: Rusmir Berberović.
13. Informacija o provođenju Programa razvoja zaštite i spašavanja ljudi i materijalnih dobara od prirodnih i drugih nesreća na području općine Vareš za period 2022. – 2027. godine, za 2024. godinu.
Izvjestilac: Ibrahim Spahić.
14. Tekuća pitanja.

Ad. 1.

**(Informacija o stanju i problemima u radu
JPU „Dječije obdanište“ Vareš)**

Predsjednica UO JPU „Dječije obdanište“ Vareš Edita Islamović u svom obraćanju pohvalila je rad direktorice i cjelokupnog kolektiva ustanove. Upoznala je Vijeće da je nakon sastanka koji je menadžment održao sa Osnivačem u vezi problematike (kašnjenje plaća i neuplaćeni doprinosi), održan sastanak i sa roditeljima koji su zaposlenicima ustanove dali punu podršku u ostvarivanju svojih prava. Upoznala je Vijeće na obaveze Osnivača prema ustanovi koje se odnose na sredstva koja osigurava Osnivač, a sve u skladu sa Zakonom o

predškolskom odgoju i obrazovanju. Hronološki je upoznala prisutne sa napretkom ustanove kad je u pitanju broj djece koja koriste usluge ustanove. Podsjetila je Vijeće na problem smještajnog kapaciteta obdaništa i iznalaženja rješenja za prostor za rad JU „Centar za socijalni rad“ Vareš.

Otvorena je rasprava u kojoj su učestvovali vijećnici: Dario Dodik (*dao je podršku uposlenicima obdaništa, iznio je svoje mišljenje o problemima neizmirenih obaveza za doprinose i plaće u organu upravu, uz pojašnjenje izjavio je da Poreska uprava treba pokrenuti blokadu računa kako bi se nastali problem riješio ili da zamjenik načelnika hitno izvrši uplatu doprinosa, smatra da se hitno treba riješiti problem prostorija JU „Centar za socijalni rad“ Vareš*)), predsjedavajući OV Malik Rizvanović (*zamolio je vijećnike da budu konstruktivni i da u raspravi diskusija bude usmjerana na konkretno rješavanje problema ustanove*), Zdravko Barkić (*u svom obraćanju dao je podršku uposlenicima ustanove i predložio je da Vijeće donese Zaključak da prioritet u izmirenju obaveza bude JPU „Dječije obdanište“ Vareš*), Igor Šimić (*dao je podršku uposlenicima ustanove i informisao Vijeće o proširenju smještajnog kapaciteta obdaništa, odnosno eventualnom izmještanju JU „Centar za socijalni rad“ Vareš u zgradu JKP d.o.o. Vareš*), Nermin Hrvat (*ispred Kluba vijećnika SDA dao je podršku ustanovi, predložio je da izvršna vlast poštuje Odluku o izvršenju budžeta*), Nikola Šimić (*ispred Kluba vijećnika HDZ dao podršku ustanovi, uz pojašnjenje sugerisao na eventualno otvaranje privatnog vrtića*), predsjednica Upravnog odbora Edita Islamović (*replika*), Dario Dodik (*replika*), predsjedavajući OV Malik Rizvanović (*replika*), Dario Dodik (*replika*), Zdravko Barkić (*replika*), predsjednica Upravnog Odbora Edita Islamović (*u svom obraćanju podržala je prijedlog iznesen u raspravi da Vijeće donese Zaključak da se striktno poštuje Odluka o izvršenju budžeta Općine Vareš član 14.*), Edin Ibršimović (*postavio pitanje Erminu Musi da li Općina ima sredstava za isplatu plaća i doprinosa i kada se može očekivati isplata*), Nermin Hrvat (*replika*), zamjenik načelnika Ermin Musa (*dao je odgovore na pojedina pitanja, izvijestio prisutne o dugovanjima Općine prema Poreskoj upravi i izjavio da je pokrenuto više aktivnosti da se proba riješiti problem izmirenja dugovanja, te da će naredne sedmice biti uplaćen jedan dio obaveza za Općinu i za ustanove*), Dario Dodik (*skrenuo pažnju da nije dat odgovor da li Općina ima sredstva na računu za izmirenje obaveza*), direktorica JPU „Dječije obdanište“ Vareš Nikolina Erlbek (*u svom obraćanju izvijestila je Vijeće da je po pozivu Poreske uprave obavila razgovor u kome su joj rekli da do kraja tekućeg mjeseca treba da se uplate jedni doprinosi kako Poreska ne bi obdaništu poslala opomenu pred blokadu računa. Upoznala je prisutne da je Osnivač - Općina Vareš zadnje doprinose uplatila za oktobar mjesec 2024. godine, a da je ustanova svaka dva mjeseca uplaćivala po jedne doprinose od svojih potraživanja, zahvalila se Vijeću na razumijevanju i tome što su uzeli u obzir njihov problem i razmatrali ga kao tačku dnevnog reda*) i Igor Hinger (*uz pojašnjenje izjavio je da je zamjenik načelnika trebao na početku rasprave izvijestiti Vijeće da će doprinosi biti uplaćeni naredne sjednice*).

Predsjedavajući OV Malik Rizvanović stavio je na raspravu prijedlog Zaključka:

1. Općinsko vijeće Vareš prima znanju Informaciju o stanju i problemima u radu JPU „Dječije obdanište“ Vareš, broj: 01-169/25 od 23.07. 2025. godine i daje punu podršku JPU „Dječije obdanište“ Vareš u rješavanju problema navedenih u Informaciji.
2. Traži se od Općinskog načelnika da prioritetno dugovanja prema JPU „Dječije obdanište“ Vareš izvrši u što kraćem roku, a u buduću da sredstva planirana Budžetom Općine Vareš, transferiše JPU „Dječije obdanište“ Vareš u skladu sa Zakonom o budžetima u FBiH i Odlukom o izvršenju Budžeta Općine Vareš.

3. Sastavni dio ovog Zaključka je Informacija o stanju i problemima u radu JPU „Dječije obdanište“ Vareš, broj: 01-169/25 od 23.07. 2025. godine.
4. Zaključak stupa na snagu danom donošenja.

U raspravi su učestvovali vijećnici: Edin Ibrišimović (*predložio je da se u tački 2. prijedloga zaključka navede da je rok za uplatu doprinosa do kraja tekućeg mjeseca, tj. naredne sedmice*), predsjedavajući OV Malik Rizvanović (*skrenuo je pažnju da se treba uzeti u obzir priliv sredstava*), Dario Dodik (*podržava prijedlog vijećnika Ibrišimović Edina*), sekretar OV Mersad Đido (*dao je pojašnjenje u vezi člana 13. i 14. Odluke o izvršenju budžeta*), predsjedavajući OV Malik Rizvanović (*sugerisao je da se u zaključku navede neki realni rok od 30 – 60 dana*), Dario Dodik (*postavio je pitanje zamjeniku načelnika „da li se budžet puni planiranom dinamikom?“* „Zbog čega se onda ne izmiruju grantovi ako se puni), direktorica JPU „Dječije obdanište“ Vareš Nikolina Erblek (*uz pojašnje naglasila da uplatom doprinosa za jedan mjesec neće se riješiti problem*) i zamjenik načelnika Ermin Musa (*ponovio je da će iduće sedmice biti uplaćeni doprinosi za jedan mjesec i da ne možemo očekivati uplatu svih doprinosa, ali će se što prije rješavati linearna uplata doprinosa za uposlenike Općine Vareš i sve ustanove koje finansira Općina Vareš*).

Predsjedavajući OV zaključio je raspravu i na osnovu diskusije predložio je i stavio na izjašnjavanje sljedeći

Zaključak

1. **Općinsko vijeće Vareš prima znanju Informaciju o stanju i problemima u radu JPU „Dječije obdanište“ Vareš, broj: 01-169/25 od 23.07. 2025. godine i daje punu podršku JPU „Dječije obdanište“ Vareš u rješavanju problema navedenih u Informaciji.**
2. **Traži se od Općinskog načelnika da dugovanja prema JPU „Dječije obdanište“ Vareš izmiri prioritarno, u roku od 30 dana, a u buduću da sredstva planirana Budžetom Općine Vareš, transferiše JPU „Dječije obdanište“ Vareš u skladu sa Zakonom o budžetima u FBiH i Odlukom o izvršenju Budžeta Općine Vareš.**
3. **Sastavni dio ovog Zaključka je Informacija o stanju i problemima u radu JPU „Dječije obdanište“ Vareš, broj: 01-169/25 od 23.07. 2025. godine.**
4. **Zaključak stupa na snagu danom donošenja.**

Nakon izjašnjavanja vijećnika predsjedavajući OV konstatuje da je sa **15 glasova „ZA“** (odsutan vijećnik Zdravko Barkić) **usvojen predloženi Zaključak.**

Predsjedavajući OV upoznao je Vijeće da vijećnik Zdravko Barkić iz opravdanih razloga neće prisustvovati nastavku sjednice.

Predsjedavajući OV dao je pauzu u trajanju od 10 minuta.
Nastavljeno je sa radom sjednice.

Ad. 2.

(Prijedlog Odluke o usvajanju plana parcelacije za lokalitet Pogar, općina Vareš (k.č.115/1 KO Pogar)

Komisija za statutarna pitanja i propise na 7. sjednici održanoj 15.07.2025. godine jednoglasno je usvojila sljedeći Zaključak:

- Komisija za statutarna pitanja i propise nema primjedbi na Prijedlog Odluke o usvajanju plana parcelacije za lokalitet Pogar, općina Vareš (k.č.115/1 KO Pogar) i istu upućuje Vijeću na razmatranje.

Izvjestilac nije imao dodatno pojašnjenje za ovu tačku dnevnog reda.

Otvorenaje rasprava u kojoj su učestvovali vijećnici Dario Dodik (*uz pojašnjenje izjavio je da je protiv prodaje bilo kakve imovine Općine Vareš*) i Zdenko Franjić (*uz pojašnjenje postavio je pitanje "da li je prilikom izrade Prijedloga Odluke konsultovan Savjet mjesne zajednice Pogar?"*).

Zaključena je rasprava i predsjedavajući OV stavio je na izjašnjevanje Prijedlog Odluke o usvajanju plana parcelacije za lokalitet Pogar, općina Vareš (k.č.115/1 KO Pogar).

Nakon izjašnjavanja vijećnika predsjedavajući OV konstatuje da je **sa 10 glasova „ZA“, 2 glasa „PROTIV“ i 3 „SUZDRŽANA“ glasa** (odsutan vijećnik Zdravko Barkić) **usvojena**

***Odluka o usvajanju plana parcelacije za lokalitet Pogar,
općina Vareš (k.č.115/1 KO Pogar)***

Ad. 3.

***(Prijedlog Odluke o izmjeni Odluke o potvrđivanju
rezultata izbora za članove Savjeta mjesne zajednice Borovica)***

Komisija za statutarna pitanja i propise na 7. sjednici održanoj 15.07.2025. godine jednoglasno je usvojila sljedeći Zaključak:

- Komisija za statutarna pitanja i propise nema primjedbi na Prijedlog Odluke o izmjeni Odluke o potvrđivanju rezultata izbora za članove Savjeta mjesne zajednice Borovica i istu upućuje Vijeću na razmatranje.

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o potvrđivanju rezultata izbora za članove Savjeta mjesne zajednice Borovica.

Nakon izjašnjavanja vijećnika, predsjedavajući OV konstatuje da je **sa 15 glasova „ZA“** (odsutan vijećnik Zdravko Barkić) **usvojena**

***Odluka o izmjeni Odluke o potvrđivanju rezultata
izbora za članove Savjeta mjesne zajednice Borovica***

Ad. 4.

***(Prijedlog Odluke o dodjeli općinskog priznanja za 2025. godinu
– Povelja o proglašenju počasnim građaninom općine Vareš)***

Komisija za statutarna pitanja i propise na 7. sjednici održanoj 15.07.2025. godine jednoglasno je usvojila sljedeći Zaključak:

- Komisija za statutarne pitanja i propise utvrdila je tekst Prijedloga Odluke o dodjeli općinskog priznanja za 2025. godinu – Povelja o proglašenju počasnim građaninom općine Vareš i istu upućuje Vijeću na razmatranje.

Zamjenica predsjednika Komisije za statutarne pitanja i propise Aida Imamagić u svom obraćanju upoznala je Vijeće sa provedenom procedurom i radom Komisije koja je razmatrala prijedloge za općinska priznanja i donesenom Zaključku da se Povelja o proglašenju počasnog građanina općine Vareš dodijeli gosp. Džafo Mahiru.

Otvorena je rasprava u kojoj su učestvovali vijećnici: Semir Memić (*izjavio je da podržava prijedlog Komisije*), Nikola Šimić (*uz pojašnjenje traži da se za narednu godinu izvrše izmjene Odluke o općinskim priznanjima i postupku njihove dodjele broj: 01-77/12 od 29.03. 2012. godine*), Dario Dodik (*predložio je da Prijedlog Odluke o izmjenama Odluke o općinskim priznanjima i postupku njihove dodjele u Programu rada OV za 2026. godinu bude planirana u I kvartalu*), Igor Hinger (*upoznao je Vijeće o prijedlogu za dodjelu općinskih priznanja koji je on dostavio i o istom je iznio svoje mišljenje*) i Nermin Hrvat (*izjavio je da podržava prijedlog Komisije*).

Zaključena je rasprava i predsjedavajući OV stavio je na izjašnjavanje Prijedlog Odluke o dodjeli općinskog priznanja za 2025. godinu – Povelja o proglašenju počasnim građaninom općine Vareš.

Nakon izjašnjavanja vijećnika predsjedavajući OV konstatuje da je sa **13 glasova „ZA“ i 2 „SUZDRŽANA“ glasa** (odsutan vijećnik Zdravko Barkić) **usvojena**

***Odluka o dodjeli općinskog priznanja za 2025. godinu
– Povelja o proglašenju počasnim građaninom općine Vareš***

***Ad.5.
(Prijedlog Programa obilježavanja
16. augusta/kolovoza – Dana općine Vareš)***

Izjaviteljac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Programa obilježavanja 16. augusta/kolovoza – Dana općine Vareš sa prijedlogom Zaključka.

Nakon izjašnjavanja vijećnika predsjedavajući OV konstatuje da je sa **15 glasova „ZA“** (odsutan vijećnik Zdravko Barkić) **usvojen**

Program obilježavanja 16. augusta/kolovoza – Dana općine Vareš uz

Zaključak

1. **Prihvata se Program obilježavanja 16. augusta/kolovoza – Dana općine Vareš.**
2. **Svečana sjednica Općinskog vijeća Vareš povodom obilježavanja Dana općine Vareš, održat će se 15.08. 2025. godine sa početkom u 14,00 h u sali JU „Centar za kulturu i edukaciju“ Vareš.**
3. **Zadužuju se Općinski načelnik, Služba za opću upravu, društvene djelatnosti i boračko-invalidsku zaštitu i JU „Centar za kulturu i edukaciju“ Vareš da blagovremeno poduzmu sve neophodne aktivnosti za održavanje Svečane sjednice Općinskog vijeća Vareš, a u skladu sa Programom iz tačke 1. ovog Zaključka.**

4. Sastavni dio ovog Zaključka je Program obilježavanja 16. augusta/kolovoza – Dana općine Vareš, broj: 02-938/25 od 15.07. 2025. godine.
5. Zaključak stupa na snagu danom donošenja.

Ad.6.

***(Prijedlog Rješenja o imenovanju Stručne komisije
za procjenu prometne vrijednosti nekretnina)***

Izjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o imenovanju Stručne komisije za procjenu prometne vrijednosti nekretnina.

Nakon izjašnjavanja vijećnika predsjedavajući OV konstatuje da je sa **14 glasova "ZA"** (odsutni vijećnici Zdravko Barkić i Igor Šimić) **usvojeno**

***Rješenje o imenovanju Stručne komisije
za procjenu prometne vrijednosti nekretnina***

Ad.7.

***(Izveštaj o provedenim izborima za članove savjeta mjesnih zajednica Mir, Striježevo,
Stupni Do, Pogar, Pržići, Očevija, Vijaka, Vareš i Vareš Majdan)***

Izjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izveštaj o provedenim izborima za članove savjeta mjesnih zajednica Mir, Striježevo, Stupni Do, Pogar, Pržići, Očevija, Vijaka, Vareš i Vareš Majdan sa prijedlog Zaključka.

Nakon izjašnjavanja vijećnika, predsjedavajući OV konstatuje da je sa **14 glasova "ZA"** (odsutni vijećnici Zdravko Barkić i Igor Šimić) **usvojen**

***Izveštaj o provedenim izborima za članove savjeta mjesnih zajednica Mir, Striježevo,
Stupni Do, Pogar, Pržići, Očevija, Vijaka, Vareš i Vareš Majdan uz***

Zaključak

1. Prihvata se Izveštaj o provedenim izborima za članove savjeta mjesnih zajednica: Mir, Striježevo, Stupni Do, Pogar, Pržići, Očevija, Vijaka, Vareš i Vareš Majdan.
2. Daje se saglasnost Općinskom načelniku da u mjesnim zajednicama: Pogar, Striježevo, Vareš i Vareš Majdan imenuje povjerenstva i povjerenike sa pravima i obavezama savjeta i predsjednika mjesne zajednice.
3. Povjerenstva i povjerenici iz tačke 2. ovog Zaključka obavljat će dužnosti u skladu sa Statutom Općine Vareš i Statutom Mjesne zajednice do izbora organa mjesne zajednice.

4. Izvještaj iz tačke 1. čini sastavni dio ovog Zaključka.
5. Zaključak stupa na snagu danom donošenja.

Ad. 8.

(Prijedlog Odluke o potvrđivanju rezultata izbora za članove Savjeta mjesne zajednice Mir)

Komisija za statutarna pitanja i propise na 7. sjednici održanoj 15.07.2025. godine jednoglasno je donijela Zaključak.

- Komisija nema primjedbi na Prijedlog Odluke o potvrđivanju rezultata izbora za članove Savjeta mjesne zajednice Mir.

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o potvrđivanju rezultata izbora za članove Savjeta mjesne zajednice Mir.

Nakon izjašnjavanja vijećnika predsjedavajući OV konstatuje da je **sa 14 glasova „ZA“** (odsutni vijećnici Zdravko Barkić i Igor Šimić) **usvojena**

Odluka o potvrđivanju rezultata izbora za članove Savjeta mjesne zajednice Mir

Ad. 9.

(Prijedlog Odluke o potvrđivanju rezultata izbora za članove Savjeta mjesne zajednice Očevija)

Komisija za statutarna pitanja i propise na 7. sjednici održanoj 15.07.2025. godine jednoglasno je donijela Zaključak.

- Komisija nema primjedbi na Prijedlog Odluke o potvrđivanju rezultata izbora za članove Savjeta mjesne zajednice Očevija.

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o potvrđivanju rezultata izbora za članove Savjeta mjesne zajednice Očevija.

Nakon izjašnjavanja vijećnika predsjedavajući OV konstatuje da je **sa 14 glasova „ZA“** (odsutni vijećnici Zdravko Barkić i Igor Šimić) **usvojena**

Odluka o potvrđivanju rezultata izbora za članove Savjeta mjesne zajednice Očevija

Ad. 10.

(Prijedlog Odluke o potvrđivanju rezultata izbora za članove Savjeta mjesne zajednice Pržići)

Komisija za statutarna pitanja i propise na 7. sjednici održanoj 15.07.2025. godine jednoglasno je donijela Zaključak.

- Komisija nema primjedbi na Prijedlog Odluke o potvrđivanju rezultata izbora za članove Savjeta mjesne zajednice Pržići.

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o potvrđivanju rezultata izbora za članove Savjeta mjesne zajednice Pržići.

Nakon izjašnjavanja vijećnika predsjedavajući OV konstatuje da je **sa 15 glasova „ZA“** (odsutan vijećnik Zdravko Barkić) **usvojena**

***Odluka o potvrđivanju rezultata izbora
za članove Savjeta mjesne zajednice Pržići***

Ad. 11.

***(Prijedlog Odluke o potvrđivanju rezultata izbora
za članove Savjeta mjesne zajednice Stupni Do)***

Komisija za statutarna pitanja i propise na 7. sjednici održanoj 15.07.2025. godine jednoglasno je donijela Zaključak.

- Komisija nema primjedbi na Prijedlog Odluke o potvrđivanju rezultata izbora za članove Savjeta mjesne zajednice Stupni Do.

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o potvrđivanju rezultata izbora za članove Savjeta mjesne zajednice Stupni Do.

Nakon izjašnjavanja vijećnika predsjedavajući OV konstatuje da je **sa 15 glasova „ZA“** (odsutan vijećnik Zdravko Barkić) **usvojena**

***Odluka o potvrđivanju rezultata izbora
za članove Savjeta mjesne zajednice Stupni Do***

Ad. 12.

***(Prijedlog Odluke o potvrđivanju rezultata izbora
za članove Savjeta mjesne zajednice Vijaka)***

Komisija za statutarna pitanja i propise na 7. sjednici održanoj 15.07.2025. godine jednoglasno je donijela Zaključak.

- Komisija nema primjedbi na Prijedlog Odluke o potvrđivanju rezultata izbora za članove Savjeta mjesne zajednice Vijaka.

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o potvrđivanju rezultata izbora za članove Savjeta mjesne zajednice Vijaka.

Nakon izjašnjavanja vijećnika predsjedavajući OV konstatuje da je **sa 15 glasova „ZA“** (odsutan vijećnik Zdravko Barkić) **usvojena**

***Odluka o potvrđivanju rezultata izbora
za članove Savjeta mjesne zajednice Vijaka***

Ad. 13.

***(Informacija o provođenju Programa razvoja zaštite i spašavanja ljudi i materijalnih
dobara od prirodnih i drugih nesreća na području općine Vareš za period 2022. – 2027.
godine, za 2024. godinu)***

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV konstatuje da je **Vijeće primilo k znanju**

Informaciju o provođenju Programa razvoja zaštite i spašavanja ljudi i materijalnih dobara od prirodnih i drugih nesreća na području općine Vareš za period 2022. – 2027. godine, za 2024. godinu

**Ad.14.
(Tekuća pitanja)**

1. Zahtjev za preispitivanje obavijesti sa priložima od 14.04.2025. godine i izbora održanih 12.04.2025. godine u MZ Mir (ima li elementa kaznenog djela), dostavljen 27.06.2025. godine od Pave Miočevića, selo Mir, Vareš.
Nije bilo rasprave i predsjedavajući OV predložio je i stavio na izjašnjavanje sljedeći

Zaključak

- Općinsko vijeće Vareš nije nadležno niti ovlašteno da zauzima stav da li je neka radnja ili postupak zakonit ili nezakonit.
- Sastavni dio ovog Zaključka je Zahtjev Pave Miočevića zaprimljen dana 27.06. 2025. godine.
- Zaključak stupa na snagu danom donošenja.

Nakon izjašnjavanja vijećnika predsjedavajući OV konstatuje da je sa **15 glasova „ZA“** (odsutan vijećnik Zdravko Barkić) **usvojen predloženi Zaključak.**

2. Mišljenje višeg stručnog saradnika za poljoprivredu broj: 02/1-sl/25 od 03.07. 2025. godine na osnovu Zaključka OV broj: 01-182/25 od 30.06. 2025. godine, a u vezi Zahtjeva MZ Dabravine za asistenciju-pomoć u rješavanju vodosnabdijevanja u MZ Dabravine od 23.06. 2025. godine.
Zahtjev za asistenciju-pomoć u rješavanju vodosnabdijevanja u MZ Dabravine dostavljen 23.06.2025. godine od predsjednika MZ Dabravine.

Nije bilo rasprave i predsjedavajući OV predložio je i stavio na izjašnjavanje sljedeći

Zaključak

- Zadužuje se Stručna služba Općinskog vijeća Vareš da Mišljenje Službe za privredu, finansije i trezor, broj: 02/1-sl/25 od 03.07.2025. godine dostavi Mjesnoj zajednici Dabravine.
- Traži se od Službe za opću upravu, društvene djelatnosti i boračko-invalidsku zaštitu da Općinskom vijeću Vareš za narednu sjednicu dostavi Mišljenje o postupku i načinu rješavanja vodosnabdijevanja u MZ Dabravine, a u skladu sa Zaključkom OV sa 8. sjednice održane 30.06. 2025. godine.
- Zaključak stupa na snagu danom donošenja.

Nakon izjašnjavanja vijećnika predsjedavajući OV konstatuje da je sa **15 glasova „ZA“** (odsutan vijećnik Zdravko Barkić) **usvojen predloženi Zaključak.**

3. Zahtjev za izgradnju trotoara-pješačke staze kroz naselje Dabravine, broj: 01-139/25 od 11.07. 2025. godine dostavljen od predsjednika MZ Dabravine.

Nije bilo rasprave i predsjedavajući OV predložio je i stavio na izjašnjavanje sljedeći

Zaključak

- Traži se od Općinskog načelnika i nadležne općinske službe da u saradnji sa Ministarstvom za prostorno uređenje, promet i komunikacije i zaštitu okoline Zeničko-dobojskog kantona i Direkcijom za ceste Zeničko-dobojskog kantona poduzmu sve neophodne radnje i pristupe izgradnji trotoara pored regionalnog puta R-444 na dionici kroz naselje Dabravine, općina Vareš.
- Sastavni dio ovog Zaključka je Zahtjev Mjesne zajednice Dabravine, broj: 01-139/25 od 11.07.2025. godine.
- Zaključak stupa na snagu danom donošenja.

Nakon izjašnjavanja vijećnika predsjedavajući OV konstatuje da je sa **15 glasova „ZA“** (odsutan vijećnik Zdravko Barkić) **usvojen predloženi Zaključak.**

4. Zahtjev za preusmjeravanje smanjenih doprinosa na povećanje neto primanja radnika dostavljen 01.07.2025. godine od Samostalnog sindikata radnika komunalne privrede u FBiH.

Nije bilo rasprave i predsjedavajući OV predložio je i stavio na izjašnjavanje sljedeći

Zaključak

- Daje se puna podrška Zahtjevu Samostalnog sindikata radnika komunalne privrede u FBiH za preusmjeravanje smanjenih doprinosa na povećanje neto primanja radnika u komunalnim preduzećima.
- Sugerirše se upravama komunalnih preduzeća čiji je osnivač Općina Vareš da preuzmu realizaciju Zahtjeva iz tačke 1. ovog Zaključka i da smanjenje doprinosa na plaće u iznosu od 5 % preusmjere na povećanje neto primanja radnika.
- Sastavni dio ovog Zaključka je Zahtjev Samostalnog sindikata radnika komunalne privrede u FBiH od 01.07. 2025. godine.
- Zaključak stupa na snagu danom donošenja.

Nakon izjašnjavanja vijećnika predsjedavajući OV konstatuje da je sa **15 glasova „ZA“** (odsutan vijećnik Zdravko Barkić) **usvojen predloženi Zaključak.**

5. Zahtjev za ponovno razmatranje stanja na jezeru „Nula“ broj. 24-07/25 od 17.07. 2025. godine dostavljen od Udruženja građana sportskih ribolovaca „Vareš“ Vareš. Kolegij OV po ovom Zahtjevu je na 8. sjednici održanoj 18.07. 2025. godine donio Zaključak da nakon održanog sastanka, predstavnici Općine Vareš Vijeću dostave Informaciju i Zapisnik sa provedenog sastanka. Predsjedavajući OV upoznao je prisutne da sastanak iz objektivnih razloga nije održan i da će se održati nakon 05.08. 2025.godine.
6. Izvještaj o ljetnom održavanju lokalnih puteva i ostalih puteva, ulica, trotoara i stepeništa za mjesec maj i jun 2025. godine broj: 02/3-1323/25 od 15.07. 2025. godine dostavljen od Službe za prostorno uređenje. (Vijeću na znanje).
7. Zahtjev za procjenu štete koja je napravljena rušenjem potpornog zida i izmještanje kontejnera za smeće dostavljen od Grgić Slavka 18.07. 2025. godine, ul. Perunska Vareš Majdan.

Nije bilo rasprave i predsjedavajući OV predložio je i stavio na izjašnjavanje sljedeći

Zaključak

- **Zahtjev Slavka Grgića se prosljeđuje Općinskom načelniku i nadležnoj općinskoj službi na daljnje postupanje.**
- **Sastavni dio ovog Zaključka je Zahtjev Slavka Grgića zaprimljen dana 18.07.2025. godine.**
- **Zaključak stupa na snagu danom donošenja.**

Nakon izjašnjavanja vijećnika predsjedavajući OV konstatuje da je sa **15 glasova „ZA“** (odsutan vijećnik Zdravko Barkić) **usvojen predloženi Zaključak.**

8. Pomoćnik načelnika Ibrahim Spahić iznio je svoje mišljenje na Prigovor na postupanje pomoćnika načelnika za Civilnu zaštitu, dostavljen od Velić Eldina. Kolegij OV je na 8. sjednici održanoj 18.07. 2025. godine upoznat sa gore navedenim Prigovorom i isti je proslijeđen Općinskom načelniku i nadležnoj službi na daljnje postupanje.
9. Vijećnik Nikola Šimić postavio je pitanje u vezi Ugovora za sanaciju u Dabrinama i mosta na Benićima. (Pomoćnik načelnika Ermin Musa dao je odgovor da će nakon sanacije u Dabrinama pristupiti se radovima na sanaciji mosta u Benićima).
10. Vijećnik Dario Dodik uz pojašnjenje predložio je da Vijeće donese sljedeći

Zaključak

- **Općinsko vijeće Vareš poziva Adriatic Metals BH d.o.o. Vareš da se pridruži akciji „Kupi kvadrat trave za 100 godina ljubavi“ koju organizuje NK Vareš.**
- **Zaključak stupa na snagu danom donošenja.**

Predsjedavajući OV stavio je na izjašnjavanje predloženi Zaključak i nakon izjašnjavanja vijećnika konstatuje da je sa **15 glasova „ZA“** (odsutan vijećnik Zdravko Barkić) **usvojen predloženi Zaključak.**

Sjednica je završena u 16.45 sati.


Sastavni dio ovog Zapisnika je audio zapis 9. sjednice OV Vareš.

**SEKRETAR
OPĆINSKOG VIJEĆA**

Mersad Đido


ZAPISNIČAR

Azra Pijadžer

**PREDSJEDAVAJUĆI
OPĆINSKOG VIJEĆA**

Malik Rizvanović